

治目瘡腫痛者皆中水及中風寒所作腫入腹則殺人方

溫桑灰汁漬冷復溫之當令熱神秘

治刺傷中風水方

服黑牛熱尿一服二升三服即止

又方蠟一兩熱炙慰薄裹上令水出愈

又方魚目燒灰傳之

又方熟煮韭搗之

又方刮箭羽下漆塗之

治瘡犯露腫方凡八月九月中刺手足犯惡毒腫殺人不可輕

生桑枝三枚內塘灰中推引令極熱斫斷正以枝頭挂瘡口上熱盡即易之盡

三枚則瘡自爛仍取莖白擣綿裹著熱

灰中使極熱去綿取莖白薄瘡上以布

帛急裹之若有腫者便作用莖白最佳

治漆瘡方

生柳葉三斤細切以水一斗五升煮取

七升適寒溫洗之日三肘後方云老柳皮尤妙

又方以磨石下滓泥塗之取瘡止大驗

又方濃煮鼠查葉以洗漆上亦可擣葉取汁

塗之

又方爛擣七姑草封之救急方云七姑草和磚碼塗之

又方貫衆為末以塗上乾以油和之即愈

又方蓮葉燥者一斤以水一斗煮取五升洗瘡上日再

又方羊乳汁塗之

又方磁硝五兩湯浸以洗之

又方取猪膏塗之

又方礬石著湯中令消洗之

又方宜取猪肉嚼糝穀塗之

孫真人備急千金要方卷之七十七

孫真人備急千金要方卷之七十八 瘡

宋朝奉郎守太常少卿光祿勳校理林德華校正

火瘡等病第四論方

論曰凡火燒損慎勿以冷水洗之火瘡得冷

熱氣更深轉入骨壞人筋骨難瘥初被火燒

急向火更炙雖大痛強忍之一食久即不痛

神驗治火燒悶絕不識人以新尿冷飲之及

冷水和蜜飲之口噤絞開與之然後以下方

治之

治火瘡方

梔子枚四十 白斂 黃芩各五

右三味吹咀以水五升油一升合煎令水

氣歇去滓待冷以淋之令溜去火熱毒則

肌得寬也作二日任意用膏傳湯散治之

又方熬油麻為末和梔子入塗之惟厚為佳

已成瘡者燒白糖灰粉之即燥立瘥

治火燒瘡方

死鼠頭一枚以臘月猪膏煎令消盡以

傳乾即傳之瘡不作癩神效亦治小兒

火瘡

治火瘡敗壞方

柏白皮切以臘月猪膏合淹相得煮四
五沸色變去滓傳瘡上肘後方云
柳白皮

又方

柏白皮 蛇銜 生地黃

梔子仁 黃芩 苦竹葉各一分

右六味吹咀以羊髓半升煎三上三下去

滓塗上瘡止

治火爛瘡膏方

竹葉 甘草各二兩 柏白皮四兩

右三味吹咀以猪脂一斤半煎三上三下

去滓冷以傳之集驗方用生
地黃四兩

又方榆白皮嚼熟塗之

治一切湯火所傷方

初著即以女人精汁塗之

治湯火肉爛壞方

杏仁 附子二兩 甘草一兩

羊脂五兩 松脂雞子大

右五味吹咀以不中水猪膏五兩煎塗之

炎及湯火所損晝夜啼呼止痛滅癩方

羊脂 松脂各二分 猪膏

蠟各一分

右四味取松脂破銚中切脂嚼蠟著松明
上少傾銚火令滓漬皆消以杯承汁傳之
松明是肥
松木節也

治灸瘡方

甘草 當歸各一兩 胡麻外臺用
胡粉

羊脂各六分

右四味吹咀以猪膏五合煎去滓傳之

又方

蠟三兩 松脂五兩

右二味合煎塗紙貼之日三

又方取車軋脂塗上

又方凡灸瘡不瘥日別灸上六七壯自瘥

又方石灰一兩搗為細末絹篩猪脂和令相

得微火上煎數沸以煖湯先洗瘡訖以布裹

灰敷瘡上三過便以藥貼瘡上灸之又搗蘆

傳之

治灸瘡痛腫急方

搗蘆下黃土以水和煮令熱漬之

治灸瘡中風冷腫痛方

但向火灸之瘡得熱則瘡快至痛止日

六七灸愈

蘆白膏治灸瘡生肉止痛方

蘆白 當歸各二兩 白芷一兩

羊髓一分

右四味吹咀合煎以白芷色黃藥成去滓

取傳之日三

又方治灸瘡膿壞不瘥方

蘆白一握 胡粉 石灰各一兩

臘月猪脂升

右四味先煎蘆白令黃去之綿裹石灰煎

數沸去之吹入胡粉白膏中令調塗故布

貼上日三

又方

白蜜一兩 烏賊骨二枚一方

右二味相和塗之

治針灸瘡血出不止方

燒人屎灰以傳之

又方死蛻娘為末以猪脂和塗之

論曰治金瘡者無大小冬夏及始初傷血出便以石灰厚傅表之既止痛又速愈無石灰亦可用若瘡甚深未宜速合者內少滑石令瘡不時合也凡金瘡出血其人必渴當忍之噉燥食并肥膩之物以止渴慎勿鹹食若多飲粥及穀犯即血動溢出血人又忌慎怒大言笑思想陰陽行動作勞多食酸鹹飲酒熱羹醃葷瘡瘻後猶爾出自日半年乃可復常也

○治金瘡大散方

五月五日平旦使四人出四方各於五里內採一方草木葉葉每種各半把勿令漏脫一事日正午時細切確搗并石灰極爛熟一石草斷一斗石灰先鑿大實中桑樹令可受藥取藥內孔中實葉令堅仍以桑樹皮殺之以麻搗石灰極密泥之令不泄氣又以桑皮纏之使牢至九月九日午時取出陰乾百日藥成搗之日曝令乾更搗篩貯却凡一切金瘡傷折出血登時以藥封裹治使牢

勿令動轉不過十日即瘡不腫不膿不畏風若傷後數日始得藥須煖水洗令血出然後傅之此藥大驗平時無事宜多合以備倉卒金瘡之要無出於此雖突厥質汗黃末未能及之時後方云用百草心五月

五日作七月七日出

又方燒乾梅為炭搗末傅之一宿即瘡亦治打傷

又方磁石搗末傅之止痛斷血

又方取桑白汁塗桑白皮裹之或石灰封之妙

又方麻葉三斤以水三升熟煮取二升半為一服

又方飲麻子汁數升小品方云油

又方蚯蚓屎以水服方寸匕日三

又方杏仁石灰為細末以猪脂和封之亦主

治金瘡血出不止方

煮桑根十沸服一升即止

又方搗車前汁傅之血即絕連根取用亦效

又方柳絮封之

又方以蜘蛛幕貼之血即止

又方以人精塗之

又方飲人尿五升愈

內補散治金瘡出血多虛竭方

菴菴 甘草 芍藥各四

蜀椒三 乾薑二 當歸

芎藭 桂心 黃芩

吳茱萸 人參 厚朴

白芨古今錄驗 黃耆各一

右十四味治下篩以酒服方寸匕日三

又方

當歸三 乾薑三 芍藥

辛夷各五 甘草二

右五味治下篩酒服方寸匕日三夜一

治金瘡內漏血不出方

牡丹皮為散水服三指撮立尿出血

治金瘡內漏方

還自取瘡中血著杯中水和服之愈

又方

蒲黃^{兩二} 七月七日麻勃^{兩一}

右二味酒服一錢匕日三夜二

二物湯治金瘡腹中瘀血方

大麻子^{升三} 大蔥白^{枚二七}

右使數人各持令熟著九升水煮取一升

半頓服若血出不盡腹中有膿血更合服

當吐膿血

內塞散治金瘡方

黃耆 當歸 芎藭

白芷 乾薑 黃芩

芍藥 續斷^{各二} 附子^{兩半}

細辛^{兩一} 鹿茸^{兩三}

右十一味治下篩先食酒服五分匕日三

稍增至方寸匕

治金瘡煩滿方

赤小豆一升以苦酒漬之熱令燥復漬

滿三日令色黑服方寸匕日三

治金瘡苦痛方

楊木白皮熱令燥為末服方寸匕日三

又以傅瘡愈

治金瘡若刺瘡痛不可忍百治不瘥者方

蔥一把以水三升煮數沸取漬洗止痛

良

治金瘡煩痛大便不利方

大黃 黃芩

右二味為末蜜和丸如梧桐子大先食服

十九日三

治金瘡不止令唾止痛呪法

呪曰某甲今日不良為其所傷上告天

皇下告地王清血莫出濁血莫揚良藥

百裏不如熟唾日二七痛唾之即止

又法我按先師本法男師在左女師在右上

白東王公下白西王母北斗七星黃姑織女

請制水之法清旦明呪不痕不膿不疼不痛

羅肺得肺羅肝得肝羅肉得肉不任軀媿儀

夫自來小兒為日不吉不良某甲 刀斧擊

箭熊虎湯火所傷三唾三呵平復如故急急

如律令此法不復須度受但存念稽急散誦

之非止治百毒所傷亦治癰疽隨所患轉後

語呼之良驗一切瘡毒並皆用之

續斷散治金瘡中筋骨方

續斷^{兩五} 細辛 蛇銜

地榆 乾地黃^{兩四} 當歸

芎藭 芍藥 從容^{各三}

人參 甘草 附子^{各二}

乾薑 蜀椒 桂心^{各一}

右十五味治下篩酒服一方寸匕日三

治金瘡腸出方

磁石 滑石 鐵精^{各三}

右三味為末粉腸上後用磁石末飲服方

寸七日五夜二腸即入

又方取人屎乾為末以粉腸即入

治被傷腸出不斷者方^{肘後方云治腸出狀}

作大麥粥取汁洗腸推內之常研米粥

飲之二十日稍稍作強壓百日後乃可

瘥

地黃膏治金瘡火瘡炎瘡不能瘥者方

生地黃^{取汁三合} 黃陸香

松脂 杏仁 蠟^{各二}

羊腎脂^{五合} 烏麻油^{升二} 石鹽^{如一兩研}

右八味先下蠟微火令消次內羊脂令消
次下油次下松脂令消冷下杏仁次下薰
陸次下地黃汁次下石鹽以微火煎令地
黃汁水氣盡以綿濾停凝一切諸瘡初傷
皆用傅之日三夜二慎生冷猪雞魚肉此
膏治瘡法先食惡肉不著痴先從內瘡乃
至平復無痴不畏風不膿大要妙

治金瘡血出不止方
蒲黃_{一斤} 當歸_{二兩}
右二味治下篩酒服方寸匕日二

又方取葱葉炙取汁塗瘡上即止若為婦人
所驚者取婦人內衣炙令熱以熨瘡上
又方取豉三升熱湯漬食頃絞去滓內蒲黃
三合頓服及作紫湯服之紫湯方在產婦篇中
治金瘡前在肉中不出方

白飯 半夏各半
右二味治下篩酒服方寸匕日三淺瘡十日
出瘡深二十日出終不住肉中
治卒中箭不出或肉中有聚血方
取女人月經布燒灰屑酒服之

治箭鏃及諸刀刃在咽喉胃膈諸隱處不出
者方

牡丹皮_{一分} 白鹽_{二分}
右二味治下篩以酒服方寸匕日三服出
又方取括蔓汁塗箭瘡上即出

又方酒服瞿麥方寸匕日三瘕
治毒箭所中方
搗藍汁一升飲之并以薄瘡上若無藍
取青布漬絞汁服之并淋瘡中鏃不出
搗瓦鼠肝塗之

又方煎地黃汁作丸服之百日箭出
又方多飲葛根汁并治一切金瘡
又方雄黃為末傅之當沸汁出愈
又方搗葛根汁飲之又葛白屑熬黃傅瘡止
血

又方內鹽臍中灸之
又方貝齒末服一錢匕
又方煮蘆根汁飲三升
治中射網箭方

藍子_合 升麻_兩 王不留行

甘草_{各半}

右四味治下篩冷水服二方寸匕日三夜
二又以水和塗瘡乾易之

治針折入肉中方
刮象牙為末水和聚者折針上即出

又方以鼠腦塗之
又方磁石吸鐵者著上即出

孫真人備急千金要方卷之七十八